

四庫全書

經部

欽定四庫全書

經部

詩傳大全卷四

詳校官監察御史

臣盛嘉祐

通政使司副使

臣

莫瞻菴覆勘

覆校官編修

臣曹城

校對官檢討

臣王坦修

謄錄監生

臣張泰

欽定四庫全書

詩傳大全卷四

明 胡廣等 撰

王之一六

王謂周東都洛邑王城畿內方六百里之地

孔氏

曰漢志云周封圻東西南北短短長長相覆千里按西都方八百里八八六十四爲方百里者六十四東都方六百里六六三十六爲方百里者三十六二都方百里者百方千里也

在

禹貢豫州太華外方之間北得河陽漸

將廉反

冀

州之南也

孔氏曰漸冀南境也

周室之初文王居豐武王

居鎬至成王周公始營洛邑爲時會諸侯之所

以其土中四方來者道里均故也自是謂豐鎬

爲西都而洛邑爲東都

鄭氏曰洛邑謂之王城是爲東都今河西是也

周公又營成周今洛陽是也○東齋陳氏曰鎬

京謂之宗周以其爲天下所宗也洛邑謂之東

都又謂之成周以周道成於此也洛邑天下之

至中豐鎬天下之至險於洛邑定鼎以朝諸侯

宅土中以泄四海其示天下也公於鎬京定都

以據形勝處上游以制六合其慮天下也遠漢

唐並建兩京蓋亦深識天下形勢之至幽王嬖

所在而有得於成王周公之遺意歟

褒姒生伯服廢申后及太子宜臼宜臼奔申申

侯怒與犬戎攻宗周弑幽王于戲

音義○華谷嚴氏曰戲驪

山下地名亦水名

晉文侯鄭武公迎宜臼于申而立之

是爲平王徙居東都王城

孔氏曰鎬京爲西周王城爲東周及敬王

去王城而遷成周自是又謂王城爲西周成周爲東周

於是王室遂卑與

諸侯無異故其詩不爲雅而爲風然其王號未

替也故不曰周而曰王

眉山蘇氏曰其風及其境內而不能被天下與

諸侯此○問王風是他風如此不是降爲國風朱子曰其辭語可見風多出於在下之人雅乃士大夫所作雅雖有刺而其辭與風異○黃氏曰黍離之爲國風以其詩之體爲風也周室未

遷則其聲天下之正聲也平王遷而東之則其音乃東土之音耳故曰王國風○孔氏曰平王地狹於千里比於列國其地則今河南府及懷當言周而言王尊之也

孟等州是也

河南府即今河南府懷州今懷慶府孟州今孟縣並隸河南

彼黍離離彼稷之苗行邁靡靡中心搖搖知我者謂我心憂不知我者謂我何求悠悠蒼天叶鐵因反此何人哉

賦而興也黍穀名苗似蘆高丈餘穗黑色實圓重

華谷

嚴氏曰黍似粟而赤粟有三種米粘者爲秬可以釀酒不粘者爲黍○本草注曰黍有數種又有丹黑黑黍謂之秬丹離離垂貌稷亦穀也一名稭音似黍而黍皮赤米黃離離垂貌稷亦穀也一名稭音似黍而

小或曰粟也邁行也靡靡猶遲遲也搖搖無所定也

孔氏曰楚威王曰寡人心搖搖然如懸旌而無所薄搖搖是心憂而無附著之意悠悠遠貌

蒼天者據遠而視之蒼蒼然也○周既東遷大夫行

役至于宗周過故宗廟宮室盡爲禾黍閔周室之顛

覆徬徨不忍去故賦其所見黍之離離與稷之苗以

興行之靡靡心之搖搖既歎時人莫識已意鄭氏曰怪我父

留而不去○慶源輔氏曰人憂則行遲而心無所定國家顛覆在臣子固不能無憂此詩人憂之得其正

者又傷所以致此者果何人哉追怨之深也三山李氏曰呼

天而愬曰致此者何人哉蓋
含蓄其辭不欲指斥其人也

○彼黍離離彼稷之穗音遂行邁靡靡中心如醉知我者

謂我心憂不知我者謂我何求悠悠蒼天此何人哉

賦而興也穗秀也稷穗下垂如心之醉故以起興毛氏

曰中心似醉
醉於憂也

○彼黍離離彼稷之實行邁靡靡中心如噎於結反叶
於悉反

知我者謂我心憂不知我者謂我何求悠悠蒼天此何

人哉

賦而興也噎憂深不能喘息如噎之然

孔氏曰噎咽喉閉塞之貌

言憂深也稷之實如心之噎故以起興

黍離三章章十句

元城劉氏曰常人之情於憂樂之事初遇之則其心變焉次遇之則其變少衰三遇之則其心如常矣至于君子忠厚之情則不然其行役往來固非一見也初見稷之苗矣又見稷之穗矣又見稷之實矣

張子曰言苗言穗言實作文者須是如此

而所感之

心終始如一不少變而愈深此則詩人之意也

慶源輔氏曰久而不忘者天理之常也暴集旋
澗者人欲之無定也情得其正則自然久而不
忘矣○晏山謝氏曰天王而沒於夷狄天地之
大變中國之大恥東周臣子之大離也文武成
康之宗廟而盡為禾黍聞者當流涕矣心搖搖
而不忍去天悠悠而不我知能為閔周之詩者
一行役大夫之外無人也不知平王而聞此詩
也亦有惻于中否乎吾觀書至文侯之命知平
王之不足以有為矣所以訓戒晉文侯者惟曰
自保其國而已王室之威衰故都之興廢悉置
度外吾於黍離之詩重有感也夫○安成劉氏
曰小弁詩曰踧踧周道鞠為茂草我心憂傷惄
然如擣正若此詩之意然則黍離之感慨有不
待於大失行役之時而已兆於褒氏母子僭亂

之曰大夫追怨之辭有所歸矣○豐城朱氏曰
宮室所以奉至尊宗廟所以安先王而今乃鞠
爲禾黍徘徊顧瞻安得而不憂追思所以致此
者又安得而不怨雖然憂之怨之誠是也憂之
怨之而付之無可奈何則非也周之王業公劉
開拓之於豳太王創造之於岐文王光大之於
豐武王成就之於鎬皆在西都八百里之內其
土地則先王之土地其人民則先王之人民也
爲子孫者正當以死守之而不去今乃無故舉
八百里舊都棄之而卽安於東平王亦可謂不
君矣行役之大夫苟無所見則已既已見之而
且憂之且追怨之豈容付之無可奈何而已邪
謂宜請於平王泣血嘗膽號令諸侯整師輯旅
光復舊物諸侯見王之有志孰不奔走而服從
當是時晉之義和鄭之掘突旣皆王室之舊勲
齊藉太公之故基魯承周公之遺烈衛憑康叔

之威靈亦皆足以左右王室苟有宣王中興之志則侯國之甲兵即吾之甲兵侯國之財賦即吾之財賦也而王自棄之爲之臣者又寂無一人以爲言則其偷安忍恥頽墮委靡豈特王之罪亦羣臣之罪噫周轍之不西有由矣夫

君子于役不知其期曷至哉

叶將黎反

雞棲

音西

于埭音時日之

夕矣羊牛下來

叶陵之反

君子于役如之何弗思

叶新齋反

賦也君子婦人目其夫之辭鑿牆而棲曰埭日夕則

羊先歸而牛次之

埭雅曰羊性畏露晚出而早歸常先於牛也

○大夫父

役于外其室家思而賦之曰君子行役不知其反還

之期且今亦何所至哉雞則棲于埭矣日則夕矣牛

羊則下來矣是則畜

音最

產出入尚有旦暮之節而行

役之君子乃無休息之時使我如何而不思也哉

慶源

輔氏曰知其歸期則知其所止也知其所在則思有所向也今也不知其期則不知其幾時可歸也曷至哉則不知其今在何所也如之何勿思觀物興思雖欲自己而有所不能也

○君子于役不日不月曷其有佷

戶括反

叶

雞棲于桀

日之夕矣羊牛下括

古活反

君子于役苟無飢渴

巨叶

反列

賦也。恬會桀杙弋括至苟且也。○君子行役之久不

可計以日月而又不知其何時可以來會也。亦庶幾

其免於飢渴而已矣。此憂之深而思之切也。

慶源輔氏曰：夫

以日月計則思有節也。知其會期則思猶有止也。不日不月則不可計以日月也。曷其有恬則不知其何時可以來會也。苟無飢渴則不敢必其歸而但幸其不至于飢渴而已。其憂思之情益甚矣。

君子于役二章章八句

壘山謝氏曰：雨雪霏霏遣戍役而預言歸期也。卉木

萋萋勞還率而詳言歸期也。四牡之使寧幾何時勞之曰我心傷悲吉甫在鎬不過千里勞之曰我行永久吾觀先王之心惟恐一人之勞苦惟恐一人之怨咨何也不如是非所以體羣臣

也本於推己及物之恕發而爲序情閔勞之仁
豈有無期度者哉今君子于役至于不知其期
仁恕之意泯然矣文武宣
王之治何時而可復見乎

君子陽陽左執簧

音黃

右招我由房其樂

音洛

只

音止

且

音反

餘

賦也陽陽得志之貌

董氏曰陽陽者氣充於內容貌不枯也

簧笙竽管

中金葉也蓋笙竽皆以竹管植於匏中而竅其管底

之側以薄金葉障之吹則鼓之而出聲所謂簧也故

笙竽皆謂之簧笙十三簧或十九簧竽十六簧也由

從也房東房也

朱子曰房只是人出入處古人於房前有壁後無壁所以通內○廬陵李

氏曰堂屋次棟之架曰楣後楣以北爲室與房人君左右房大夫東房西室而已

只且語助

辭○此詩疑亦前篇婦人所作蓋其夫既歸不以行

役爲勞而安於貧賤以自樂其家人又識其意而深

歎美之皆可謂賢矣豈非先王之澤哉或曰序說亦

通空更詳之

慶源輔氏曰謂此詩疑亦前篇婦人所作者蓋兩篇之首皆以君子爲言而又

相聯屬此固不害於義然亦安知其非偶然也故又取或者之說以爲序說亦通空更詳之蓋欲仍

舊也○孔氏曰君子之人陽陽然左手執黃右手招我從房中樂官之位時世衰亂且相與樂此而已天

子諸侯皆有房中之樂○新安胡氏曰朱子初解云君子知道之不行爲貧而仕所以辭尊居卑辭富居

貧相招爲祿仕雖役于伶官之賤而陽陽自得若誠
有樂乎此者其所以全身遠害之計深矣雖非聖賢
出處之正然比於不量其力
貪利以沒身者豈不賢哉

○君子陶陶左執翺

徒刀反

右招我由敖

五刀反

其樂只且

賦也陶陶和樂之貌翺舞者所持羽旄之屬敖舞位
也

君子陽陽二章章四句

揚之水不流束薪彼其

音記

之子不與我戍申懷

叶威反

哉

懷哉曷月予還

音旋

歸哉

興也揚悠揚也水緩流之貌彼其之子戍人指其室

家而言也戍屯兵以守也申姜姓之國平王之母家

也在今鄧州信陽軍之境

鄧州即今鄧州屬南陽府信陽軍今改信陽縣屬汝

寧府並懷思曷何也○平王以申國近楚數被侵伐

故遣畿內之民戍之而戍者怨思作此詩也興取之

不二字如小星之例

慶源輔氏曰彼其之子是戍人指其室家而言則不與我戍申

云者蓋言不得同其室家以往耳懷哉懷哉言其思念不一而足也曷月予還歸哉言不知何日可以還

歸以安其室家也興取之不二字如小星之例此興體之中又別是一例不然則又似此體○安成劉氏

曰先儒多以爲水弱不流薪楚喻平王微弱不能徵發諸侯蓋由誤認此詩之體此詩乃興之不取義者特取之不二字相應耳故集傳特指其例以明之

○揚之水不流束楚彼其之子不與我戍甫懷哉懷哉
曷月子還歸哉

興也楚木也甫即呂也亦姜姓書呂刑禮記作甫刑而孔氏以爲呂侯後爲甫侯是也當時蓋以申故而并戍之今未知其國之所在計亦不遠於申許也

孔氏

曰言甫與許者以其俱爲姜姓旣重章以變文因借甫許以言申其實不戍許甫也六國時秦趙同爲嬴

姓史記漢書多謂秦爲趙亦此類也

○揚之水不流束蒲

叶滂古反

彼其之子不與我戍許懷哉

懷哉曷月予還歸哉

興也蒲蒲柳春秋傳云董澤之蒲杜氏云蒲楊柳可

以爲箭者是也

孔氏曰陸璣云蒲柳有兩種皮正青者曰小楊其一種皮紅者曰大楊其

葉皆長廣於柳葉皆可爲箭幹故宣公十二年傳曰董澤之蒲可勝旣乎○華谷嚴氏曰毛以爲草鄭以

爲蒲柳皆通蒲草見陳澤陂蒲柳見陳東門之楊

許國名亦姜姓今潁昌府

許昌縣是也

潁昌府許昌縣卽今河南開封府許州也

揚之水三章章六句

申侯與犬戎攻宗周而弑幽王則申侯者王法
必誅不赦之賊而平王與其臣庶不共戴天之
讐也今平王知有母而不知有父知其立已爲
有德而不知其弑父爲可怨至使復讐討賊之
師反爲報施酬恩之舉則其忘親逆理而得罪
於天已甚矣

安成劉氏曰小弁詩曰何辜于天又曰君子信讒又曰君子不惠不

舒究之又曰舍彼有罪予之佗矣皆爲怨父之詞吾意平王所以但知母家之重而不知弑父

之讐者皆自疇昔怨父一念之差所致也又况究其忘親逆理之罪吾於其傳與有責焉

先王之制諸侯有故則方伯連帥以諸侯之師討之王室有故則方伯連帥以諸侯之師救之天子鄉遂之民供貢賦衛王室而已今平王不能行其威令於天下無以保其母家乃勞天子之民遠爲諸侯戍守故周人之戍申者又以非

其職而怨思焉則其衰懦微弱而得罪於民又

可見矣

程子曰諸侯有患天子命保衛之亦宜也平王獨思其母家耳非有王者保天

下之心人怨空也况天子當使方伯鄰國共保
助之○三山李氏曰以公存心則如采薇以私
存心則如揚之水遣戍嗚呼詩亡而後春秋作
則同而美刺則異也

其不以此也哉

慶源輔氏曰忘親逆理以賊人
之秉彝非法枉道以使人之勞

役此民之所以怨思也欲其悉力致死以報其
上難矣哉所謂民至愚而神於此可見先王之
所以畏而敬之也此正平王之詩故曰詩亡然
後春秋作其不以此也哉○南軒張氏曰胡文
定公云按邶鄘而下多春秋時詩而謂詩亡然
後春秋作何也自黍離降爲國風天下無復有
雅而王者之詩亡春秋作於隱公適當雅亡之
後夫黍離所以爲國風者平王自爲之也平王
亡國於是王者之迹熄而詩亡天下賀賀焉日
趨於夷狄禽獸之歸故孔子懼而作春秋○安

成劉氏曰以上兩節觀之則王迹所以熄雅所以亡而春秋所以作者皆平王忘親逆理而衰懦微弱之所致也歟

中谷有推

吐雷反

瞶

呼但反

其乾矣有女仳

匹指反

離

嘅

口愛反

其嘆

土丹反

矣嘅

其嘆矣

遇人之艱難矣

興也推

雛音錐

也葉似萑

音九

方莖白華華生節間即今

益母草也

本草曰茺蔚一名益母

其子三稜

○華谷嚴氏曰據本草茺蔚正

生海濱池澤

其性宜溼

曠燥仳別也嘅歎聲艱難窮厄也○凶

年饑饉室家相棄婦人覽物起興而自述其悲歎之

年饑饉室家相棄婦人覽物起興而自述其悲歎之

詞也

○中谷有推嘆其脩

叶式竹反

矣有女吡離條其歎

叶息六反

矣

條其歎矣遇人之不淑矣

興也脩長也

永嘉陳氏曰長茂者亦爲所嘆

或曰乾也如脯之謂脩

也條條然歎貌歎感口出聲也悲恨之深不止於嘆

矣淑善也古者謂死喪饑饉皆曰不淑

董氏曰古人傷死者之詞

曰如何

益以吉慶爲善事凶禍爲不善事雖今人語

猶然也○曾氏曰凶年而遽相棄背益衰薄之甚者

而詩人乃曰遇斯人之艱難遇斯人之不淑而無怨
懟過甚之詞焉厚之至也

○中谷有推嘆其溼矣有女仳離啜張劣反其泣矣啜其

泣矣何嗟及矣

興也嘆溼者旱甚則草之生於溼者亦不免也

孔氏曰先

言乾次言脩後言溼見凶年之淺深也○須溪劉氏曰乾者已嘆脩者又嘆溼者亦嘆其爲旱勢可勝言

哉旱愈甚則仳離之愁歎愈甚矣啜泣貌何嗟及矣言事已至此末

如之何窮之甚也

眉山蘇氏曰嘆之者知其不得已也歎者怨之深也泣則窮之甚也

○慶源輔氏曰歎則悲嘆而已獻則悲而恨焉泣則悲而至於傷矣方其嘆且恨之時而曰遇人之艱難遇人之不淑而無怨懟過甚之詞固見其厚矣及其至于傷而泣也則亦曰何嗟及矣而已殆有知其不可奈何而安於命之意此尤見其厚也豈非先王之澤哉

中谷有雅三章章六句

范氏曰世治則室家相保者上之所養也世亂則室家相棄者上之所殘也其使之也勤其取之也厚則夫婦日以衰薄而凶年不免於離散矣伊尹曰匹夫匹婦不獲自盡明主罔與成厥

功故讀詩者於一物失所而知王政之惡一女見棄而知人民之困周之政荒民散而將無以

爲國於此亦可見矣

慶源輔氏曰范氏之說其得讀詩之旨使讀詩者能

如此則詩之爲教於人大矣○疊山謝氏曰凶年飢歲上而王朝有司徒荒政十二以聚民下而有司能以時告其上發倉廩開府庫懋遷化居以賑民必無夫婦衰薄室家相弃之事此詩三章始嘆其乾中嘆其脩終嘆其涇言物之嘆一節急一節始慨其歎中條其歎終啜其泣民之怨恨者一節深一節始曰遇人之艱難憐其窮苦也中曰遇人之不淑憐其遭凶禍也終曰何嗟及矣夫婦既已離別雖怨嗟亦無及也又曰夫婦人之大倫也飢饉而相棄人道之大變

也婦無一語怨其夫而有哀矜惻怛之意焉知其無可奈何而安之若命此義婦也與忠臣孝子同道人不幸而處三綱之變以此存心則綽綽然有餘裕矣

有兔爰爰雉離于羅我生之初尚無爲

叶吾禾反

我生之後

逢此百罹

叶良何反

尚寐無吽

比也兔性陰狡爰爰緩意雉性耿介離麗羅網尚猶

罹憂也尚庶幾也

安成劉氏曰尚字義不同

吽動也○周室衰

微諸侯背叛君子不樂其生而作此詩言張羅本以取兔今兔狡得脫而雉以耿介反離于羅以比小人

致亂而以巧計幸免君子無辜而以忠直受禍也

東萊

呂氏曰此因所見爲比也兔之大以此諸侯雉之小以自比也言諸侯之背叛者恣睢自如而周人反受

其禍

爲此詩者蓋猶及見西周之盛故曰方我生之

初天下尚無事及我生之後而逢時之多難如此然

旣無如之何則但庶幾寐而不動以死耳或曰興也

以免爰興無爲以雉離興百罹也

須溪劉氏曰有兔爰爰舒緩而無虞

者比我生之初承平之人也雉離于羅求死不得此我生之後百憂之人也安得一寐而死不復見此之

爲快哉

下章放此

○有兔爰爰雉離于學

音學叶步廟反

我生之初尚無造我生

之後逢此百憂

叶一笑反

尚寐無覺

居孝反叶居笑反

比也學覆車也可以掩兔

孔氏曰釋器云繫謂之罫也罫謂之學覆車也郭

璞云今之翻車也有兩轆中施罫以捕鳥繫音僻罫音拙胃音絹

造亦爲也覺寤也

○有兔爰爰雉離于罫

音童

我生之初尚無庸我生之後

逢此百凶尚寐無聰

比也罫罫也即學也或曰施羅於車上也庸用聰聞

也無所聞則亦死耳

兔爰三章章七句

縣縣葛藟

力軌反

在河之漘

呼五反

終遠

于萬反

兄弟謂他人

父

夫矩反

謂他人父亦莫我顧

叶果五反

興也縣縣長而不絕之貌岸上曰漘○世衰民散有

去其鄉里家族而流離失所者作此詩以自歎言縣

縣葛藟則在河之漘矣今乃終遠兄弟而謂他人爲

已父已雖謂彼爲父而彼亦不我顧則其窮也甚矣

○縣縣葛藟在河之漘

音侯叶矣始二音

終遠兄弟謂他人母

彼叶蒲反謂他人母亦莫我有叶羽反

興也水涯曰涘謂他人父者其妻則母也有識廬陵羅氏

曰識音志記而不忘也有也春秋傳曰不有寡君華谷嚴氏曰莫我有言視

之若無也

○緜緜葛藟在河之漘順春反終遠兄弟謂他人昆叶古反

謂他人昆亦莫我聞叶微反

興也夷上洒音洗也下曰漘漘之爲言脣也爾雅注曰涯上

平坦而下水深爲漘不發聲○東陽許氏曰岸上面平夷而其下爲水洗蕩齒入若脣也昆兄也

聞相聞也

葛藟三章章六句

彼采葛

叶居謁反

兮一日不見如三月兮

賦也采葛所以爲絺綌蓋淫奔者託以行也故因以指其人而言思念之深未久而似久也

○彼采蕭

叶疎鳩反

兮一日不見如三秋兮

賦也蕭荻也白華莖竈科生有香氣祭則燔音以報

氣故采之

孔氏曰蕭荻今人謂之荻蒿可作燭有香氣故祭祀以脂蕕之也

曰三秋

則不止三月矣

○彼采艾兮一日不見如三歲

本與艾叶兮

賦也艾蒿屬

爾雅曰一名冰臺注今艾蒿也

乾之可灸故采之

東萊呂氏

曰葛爲絺綌蕭共祭祀艾療疾特訓釋三物見采之由不於此取義也

曰三歲則不止

三秋矣

采葛三章章三句

慶源輔氏曰采葛采蕭采艾其說託言明矣至于思念之情流

而不止如此則爲淫奔之辭者空哉

大車檻檻

反銳

衣如茨

反吐敢

豈不爾思畏子不敢

賦也大車大夫車檻檻車行聲也毳衣天子大夫之

服臨川王氏曰王之大夫四命與子男同服也

蒺藜之始生也毳衣之屬

衣繪而裳繡五色皆備其青者如蒺

劉氏曰毳衣以宗彝爲首蓋畫

虎蜼虎蜼淺毛故謂毳蜼音壘胃右○安成劉氏曰毳衣所畫者三章宗彝也藻也粉米也裳所繡者二章黼也黻也所畫所繡皆備五色爾淫奔者相命之

詞也子大夫也不敢不敢奔也○周衰大夫猶有能

以刑政治其私邑者故淫奔者畏而歌之如此蘇眉山氏

曰其止之有道民聞其車聲而見其衣服則畏而不敢矣非待刑之而後已也然其去二南

之化則遠矣此可以觀世變也

東萊呂氏曰此詩唯能止其奔未能革其

心與行露之詩異矣亦僅勝於東遷之初而已○慶源輔氏曰漢廣之遊女端莊靜一人見而知其不可求野有死麕之女子貞潔自守人見而知其不可犯此所以爲二南之化也豈至于有淫奔之心待有所畏而後不敢哉今觀此詩則世變之愈下可知矣

○大車噶噶

他敦反

毳衣如璫

音門

豈不爾思畏子不奔

賦也噶噶重遲之貌璫玉赤色五色備則有赤

孔氏曰噶

噶行之貌故爲重遲上言行有聲此言行之貌互相見也毳衣裳績綉皆五色青者如蒹赤者如璫各舉

其一

○穀則異室死則同穴叶戶反謂予不信有如皦古了日反

賦也穀生穴壙音曠皦白也○民之欲相奔者畏其大

夫自以終身不得如其志也故曰生不得相奔以同

室庶幾死得合葬以同穴而已謂予不信有如皦日

約誓之辭也慶源輔氏曰世變雖下而大夫能使人畏之如此亦可謂賢也已始則不敢奔

而已終則知其雖歿身不得遂其志則其刑政之効亦非無常者之所能也

大車三章章四句

丘中有麻彼留子嗟彼留子嗟將七羊反其來施施叶時遮反

賦也麻穀名子可食皮可績爲布者

本草曰一名麻勃此麻上花勃

勃者麻子味甘平無毒園圃所蒔今人作布及履用之

子嗟男子之字也將願

也施施喜悅之意○婦人望其所與私者而不來故疑丘中有麻之處復有與之私而留之者今安得其施施然而來乎

○丘中有麥彼留子國彼留子國將其來食

賦也子國亦男子字也來食就我而食也

○丘中有李彼留之子

叶獎里反

彼留之子貽我佩玖

叶舉里反

賦也之子并指前二人也貽我佩玖冀其有以贈已也

丘中有麻三章章四句

王國十篇二十八章百六十二句

慶源輔氏曰讀詩者可以

怨則詩人固無忿懣過甚之辭然予讀王風則見其怨詩尤爲平和此可見周人之風俗也

鄭一之七

鄭邑名本在西都畿內咸林之地宣王以封其

弟友爲采

音菜

地後爲幽王司徒而死於犬戎之

難是爲桓公其子武公掘

一作滑並音鶻

突定平王於

東都亦爲司徒又得號檜之地

鄭氏曰武公取號檜鄆蔽補丹

依時歷華十邑之地右洛左濟前華後河食溱洧焉

乃徙其封而施舊號

於新邑是爲新鄭咸林在今華州鄭縣

即今陝西西安

府華州新鄭即今之鄭州是也

即今河南開封府鄭州

其封

域山川詳見檜風

緇衣之宜兮敝予又改爲兮適子之館

叶反

兮還予授

子之粢兮

賦也緇黑色

周禮考工記曰三入爲緇五入爲緇七入爲緇緇衣卿大夫居

私朝之服也

孔氏曰緇衣即士冠禮所云玄冠朝服緇帶素鞶是也卿士朝於王服皮弁不

服緇衣退食私朝服緇衣以聽其所朝之政也

宜稱聲

去聲改更聲適之館舍鄭氏

曰卿士之館如今之諸廬也○孔氏曰考工記說王宮之制外有九室九卿朝焉注外路寢之表九室如

今朝堂諸曹

粢餐

音孫也鄭氏曰設餐飲食之

或曰粢粟之精鑿

音者

東陽許氏曰粟一石得米六斗爲糲糲米一石舂爲八斗爲鑿

○舊說鄭桓公

武公相繼爲周司徒善於其職周人愛之故作是詩

言子之服緇衣也甚宜敝則我將爲子更爲之且將

適子之館旣還而又授子以粢言好之無已也

慶源輔氏

曰緇衣之宜兮此美武公之德稱其服也敝予又改爲兮欲其服之常新也還予授子之粢兮欲其粟之常繼也旣欲其服之常新又欲其粟之常繼發乎情形於歌詠如此則其好善之誠心於是爲至也○程子曰好賢無己之意當就敝予還予二字上看○華陽范氏曰適子之館親之也授子之粢又授之以飲食也旣親之又授以飲食此好賢之至也

○緇衣之好兮敝予又改造

叶在反

兮適子之館兮還予

授子之粢兮

賦也好猶宜也

○緇衣之蓆

叶祥
籥反

兮敝予又改作兮適子之館兮還予

授子之絮兮

賦也蓆大也程子曰蓆有安舒之義服稱其德則安

舒也

緇衣三章章四句

記曰好賢如緇衣又曰於緇衣見好賢之至

東萊

呂氏曰孔叢子云於緇衣見好賢之至所謂賢
即謂武公父子也○華陽范氏曰桓公武公上

得於君下得於民君子
好之愈久而愈不厭

將

七羊反

仲子兮無踰我里無折

之舌反

我樹杞豈敢愛之

畏我父母

叶蒲彼反

仲可懷

叶胡威反

也父母之言亦可畏

叶於非反

也

賦也將請也仲子男子之字也我女子自我也里二

十五家所居也杞柳屬也生水傍樹如柳葉麤而白

色理微赤蓋里之地域溝樹也○莆田鄭氏曰此淫

奔者之辭

慶源輔氏曰此雖爲淫奔之詩然其心猶有所畏未至於蕩然而無忌也故列於鄭

詩之首以見其爲風之始變也歟○安成劉氏曰此女猶能知此畏憚故其託辭如此鄭風之中亦所罕見也

○將仲子兮無踰我牆無折我樹桑豈敢愛之畏我諸兄陽虛反仲可懷也諸兄之言亦可畏也

賦也牆垣也古者樹牆下以桑

○將仲子兮無踰我園無折我樹檀沿叶徒反豈敢愛之畏

人之多言仲可懷也人之多言亦可畏也

賦也園者圃之藩其內可種木也檀皮青滑澤材彊

韜可爲車

將仲子三章章八句

新安胡氏曰三章皆有所畏而不輕身以從其所懷亦庶

幾止乎禮義者也

叔于田

叶音地因反

巷無居人豈無居人不如叔也洵美且

仁

賦也叔莊公弟共叔段也事見春秋

隱公元年夏五月鄭伯克段于

鄆左傳曰鄭武公娶于申曰武姜生莊公及其叔段

田取禽也

孔氏曰以取禽于田因名曰田

巷里塗也

孔氏曰里內之塗

洵信美好也仁愛人也○段不

義而得衆國人愛之故作此詩言叔出而田則所居

之巷若無居人矣非實無居人也雖有而不如叔之

美且仁是以若無人耳

華谷嚴氏曰叔段豈其美且仁哉其黨私之之言猶河朔

之人謂安史爲聖也或疑此亦民間男女相悅之詞也

○叔于狩

叶始九反

巷無飲酒豈無飲酒不如叔也洵美且

好

叶許厚反

賦也冬獵曰狩

杜氏曰狩圍守也冬物畢成獲則取之無所擇也

○叔適野

叶上反

巷無服馬

叶蒲補反

豈無服馬不如叔也洵

美且武

賦也適之也郊外曰野服乘也

龜山楊氏曰仁且有武焉固宜國人之所

悅而歸之也雖使之一天下朝諸侯無不可矣而詩猶以為不義得衆何也蓋先王之迹微而禮義消亡政教不明而國俗傷敗故人之好惡不足以當是非而毀譽不足以公善惡則其所譽而好之者未必誠善也所毀而惡之者未必誠惡也叔段不義而爲衆所悅者亦以衰俗好惡毀譽不當其實故也然則所謂仁者豈誠有仁哉所謂武者亦若此而已以是觀之則俗之所好惡可知矣

叔于田三章章五句

廬陵彭氏曰玩味此詩宛然如見叔段輕獩浮揚之意然

今之貴族輕薄子閭里少年朋徒追逐而極口誇美之也次篇放此

叔于田乘乘

下繩證反

馬

叶蒲補反

執轡

如組

音祖

兩驂

如舞

叔在

藪

素口反叶素苦反

火烈

具舉

檀

音但

楊

素歷反

暴虎

獻于

公所

將

七羊反

叔

無狃

女九反

戒

其傷

女

音汝

賦也

叔亦

段也

車衡

車軌也

外兩

馬曰

驂

如舞

謂諧

和

中節

董氏曰五御之法有舞交衢者即所謂如舞也

服馬

制於

衡

不得

如舞

其如

舞者

驂也

○雙峰

饒氏

曰如舞者節

奏謂

御中節也

皆言

御之

善也

安成劉氏曰善御

其馬

是以

轡則

柔

順如

組驂

則

藪澤

廬陵羅氏曰水鍾曰澤水希曰

諧和

如舞也

藪

○釋文曰韓詩云禽獸居之

曰火

焚而

射也

曹氏曰王制云昆蟲未蟄不以火田

故爾

雅謂

火田

爲狩

惟冬

田乃

用火

若夫刈草以爲防驅禽而納諸防中烈熾盛貌具俱
然後焚而射焉則四時之田皆然也

也禮袒肉袒也

孔氏曰李巡云禮楊脫衣見體曰肉袒孫炎云禮去楊衣

暴空手

搏獸也

勉齊黃氏曰暴徒搏也有慢侮欺陵之意

公莊公也

孔氏曰公與之俱田也

狃習也國人戒之曰請叔無習此事恐其或傷汝也

蓋叔多材好勇而鄭人愛之如此

安成劉氏曰章首四句所謂才也次

四句所謂勇也末二句則國人愛之之詞也

○叔于田乘乘黃兩服上襄兩驂鴈行

戶郎反

叔在藪火

烈具揚叔善射忌

音記

又良御

叶魚反

忌抑磬

苦定反

控口貢

忌抑縱送忌

賦也乘黃四馬皆黃也衡下夾轅兩馬曰服襄駕也

馬之上者爲上駕猶言上駟也鄭氏曰上駕言馬之最良也鴈行

者驂少次服後如鴈行也揚起也忌抑皆語助辭騁

馬曰磬止馬曰控盧陵羅氏曰補傳云磬謂使舍音捨

拔音跋○盧陵羅氏曰括也矢御弦處曰縱覆彌盧陵羅氏曰與簫同

弓弭弭曰送孔氏曰能磬又能控能縱又能送是叔

才藝也

○叔于田乘乘鵠音保叶兩服齊首兩驂如手叔在藪

火烈具臯

苻有反

叔馬慢

叶黃半反

忌叔發罕

叶虛肝反

忌抑釋棚

音水忌抑鬯

勅亮反

弓

叶姑反

忌

賦也驪白雜毛曰鵠今所謂烏驄也齊首如手兩服

竝首在前而兩驂在旁稍次其後如人之兩手也臯

盛慢遲也發發矢也罕希釋解也棚矢筥蓋春秋傳

作水

孔氏曰昭公二十五年左傳云公徒執水而踞字異義同服虔云水犢丸蓋杜預云犢丸是箭

筥○華谷嚴氏曰用矢則舉棚以開筥既用則納矢筥中釋下棚以覆筥鬯弓囊也與韋

同

孔氏曰鬯弓謂發弓而納諸鬯中發音韜

言其田事將畢而從容整暇

如此

鄭氏曰田事且畢則馬行遲發矢希蓋矢而發弓

亦喜其無傷之詞也

安成劉氏曰上章及此亦皆言其田獵射御之善而喜其畢事無傷皆所謂多才好勇而得衆者也

大叔于田三章章十句

陸氏曰首章作大叔于田者誤蘓氏曰二詩皆

曰叔于田故加大以別之不知者乃以段有大

叔之號而讀曰泰又加大于首章失之矣

永嘉鄭氏

曰段以國君介弟之親京城大叔之貴而所好者馳騁弋獵也所矜者禮褐暴虎也所賢者射

御足力也出而人思之者飲酒服馬之儔也氣
習到此而又恃其君母之愛玩於莊公之惟其
所欲而不誰何也欲不爲亂得乎○豐城朱氏
曰段之爲人以射則善以御則良以容止則甚
習以材力則甚武如是而甚不仁夫惟不仁所
以欲終凡而奪其位也而國人愛之若此者豈
盡出於公哉上教不明人心不古顛倒
是非混殺黑白固有不勝其可歎者矣

清人在彭

叶普郎反

駟介旁旁

補彭反

叶

二矛重

直龍反

英

於

良河上乎翱翔

賦也清邑名清人清邑之人也彭河上地名駟介四

馬而被甲也旁旁馳驅不息之貌二矛酋矛夷矛也

英以朱羽爲矛飾也

孔氏曰魯頌說矛之飾謂朱英則以朱染爲英飾蓋絲纏而朱

染茵矛長二丈夷矛長二丈四尺竝建於車上則其

英重疊而見翱翔遊戲之貌○鄭文公惡高克使將

清邑之兵禦狄于河上

孔氏曰文公捷厲公子閔公二年冬十二月狄入衛衛在

河北鄭在河南恐其渡河侵鄭故使高克將清邑之兵於河上禦之久而不召師散而

歸鄭人爲之賦此詩言其師出之久無事而不得歸

但相與遊戲如此其勢必至於潰散而後已爾

永嘉鄭氏

曰夫擁大衆於外而無所事不爲亂則必遺散耳

○清人在消駟介庶庶

表驕反

二矛重喬河上乎逍遙

賦也消亦河上地名庶庶武貌予之上句

音

曰喬所

以懸英也英弊而盡所存者喬而已

○清人在軸

叶音

駟介陶陶

叶徒候反

左旋右抽

叶勅救反

中軍

作好

叶許候反

賦也軸亦河上地名

孔氏曰彭消軸皆河上之地久不得歸師有遷移三地亦應不

甚相

遠陶陶樂而自適之貌左謂御在將車之左執轡

而御馬者也旋還車也右謂勇力之士在將車之右

執兵以擊刺者也抽拔刃也中軍謂將在鼓下居車

之中即高克也

孔氏曰此謂將所乘車若士卒兵車則左人持弓右人持矛而中人御

好謂容好也○東萊呂氏曰言師久而不歸無所聊賴姑遊戲以自樂必潰之勢也不言已潰而言將潰其詞深其情危矣

清人三章章四句

事見春秋

安成劉氏曰見閔公二年

○胡氏曰人君擅一國

之名寵生殺予奪惟我所制耳使高克不臣之

罪已著按而誅之可也情狀未明黜而還之可也愛惜其才以禮馭之亦可也烏可假以兵權委諸竟上坐視其離散而莫之卹乎春秋書曰鄭棄其師其責之深矣

羔裘如濡

叶而朱而由二反

洵直且侯

叶洪姑洪鉤二反

彼其音記之子

舍

音敕命不渝

叶容朱容周二反

賦也羔裘大夫服也如濡潤澤也洵信直順侯美也其語助辭舍處渝變也○言此羔裘潤澤毛順而美

彼服此者當生死之際又能以身居其所受之理而

不可奪

鄭氏曰謂守死善道見危受命之節○華谷嚴氏曰命者天所賦予於我者舍則居之而

安也君子能安於命臨利害而不變○慶源輔氏曰舍命不渝所包者闊命有二有指理而言者有指氣而言者此蓋兼之以理而言則居其理而不變以氣而言則居其分而不渝理可以兼氣故集傳止以理之言蓋美其大夫之詞然不知其所指矣

○羔裘豹飾孔武有力彼其之子邦之司直

賦也飾緣

去聲

袖也禮君用純物臣下之故羔裘而以

豹皮爲飾也孔甚也豹甚武而有力故服其所飾之

裘者如之司主也

○羔裘晏兮三英粲兮其之子邦之彥

叶反魚兮

賦也晏鮮盛也三英裘飾也未詳其制

程子曰若素絲五紵之類

蓋衣服制度之節

粲光明也彥者士之美稱

羔裘三章章四句

慶源輔氏曰首章言其能舍命不渝次章言其爲邦之司直末

乃以爲邦之彥而結之然則爲臣之道主於正直不阿而已雖孔子之在朝亦以便便閭閻侃侃爲常至于柔行巽入委曲以就事亦固有時而當用要之其出於不得已而已○豐城朱氏曰舍命不渝則必不傲倖而苟得而於守身之道得矣邦之司直則必不諛悅以求容而於事

君之道盡矣既能順命以持身又能
忠直以事上此所以爲邦之彥也歟

遵大路兮摻

所覽反

執子之祛

叶起據反

兮無我惡

烏路反

兮不

憲

市坎反

故也

賦也遵循摻擘

與攬同撮持也

祛袂

孔氏曰袂是祛之本祛是袂之末俱是衣袖

憲速故舊也

○淫婦爲人所棄故於其去也擘其祛

而畱之曰子無惡我而不畱故舊不可以遽絕也宋

玉賦有遵大路兮攬子祛之句亦男女相悅之詞也

安成劉氏曰宋玉登徒子好色賦曰鄭衛溱洧之間羣女出桑臣觀其麗者因稱詩曰遵大路兮攬子祛

贈以芳花詞甚妙注云攬衣袖欲與同歸折芳誦詩以贈游女也集傳援此爲證者蓋宋玉去此詩之時未遠其所引用當得詩人之本旨彼爲男語女之詞猶此詩爲女語男之詞也

○遵大路兮摯執子之手兮無我醜市由反叶兮不寃

好叶許反也

賦也醜與醜同欲其不以已爲醜而棄之也好情好

也慶源輔氏曰無我惡兮不寃故也猶假義以責之至于無我醜兮不寃好也則真情見而詞益哀矣

遵大路二章章四句

女曰雞鳴士曰昧旦子興視夜明星有爛將翔將翔弋

鳬音符與鴈

賦也昧晦旦明也昧旦天欲旦晦明未辨之際也

東萊

呂氏曰列子云將旦昧爽之交日夕昏明之際明星啓明之星先日而出者

也弋繳音灼射謂以生絲繫矢而射也鳬水鳥如鴨青

色背上有文○此詩人述賢夫婦相警戒之詞言女

曰雞鳴以警其夫而士曰昧旦則不止於雞鳴矣婦

人又語其夫曰若是則子可以起而視夜之如何意

者明星已出而爛然則當翱翔而往弋取鳬鴈而歸

矣其相與警戒之言如此則不畱於宴昵之私可知矣

○弋言加

叶居之居何二反

之與子宜

叶魚奇魚何二反

之宜言飲酒

與子偕老

叶吕反

琴瑟在御莫不靜好

叶許厚反

賦也加中

去聲

也史記所謂以弱弓微繳加諸鳧雁之

上是也

埤雅曰加與立鶴加加雙鴨之加同意蓋弱弓微矢乘風振之曰弋故史記謂楚人好以

諸鳧鴈之

上

宜和其所宜也內則所謂雁宜麥之屬

是也

鄭氏曰言其氣味相成

○射者男子之事而中饋婦人之

職故婦謂其夫既得鳬雁以歸則我當爲子和其滋味之所宜以之飲酒相樂期於偕老而琴瑟之在御者亦莫不安靜而和好其和樂而不淫可見矣

○知子之來

叶六反

之雜佩以贈

叶音則

之知子之順之雜

佩以問之知子之好

呼報反

之雜佩以報之

賦也來之致其來者如所謂修文德以來之雜佩者

左右佩玉也上橫曰珩下繫三組貫以蠙

步眠反蚌之別名

珠中組之半貫一大珠曰瑀末懸一玉兩端皆銳曰

衝牙兩旁組半各懸一玉長博而方曰琚其末各懸

一玉如半辟而內向曰璜又以兩組貫珠上繫珩兩

端下交貫於瑤而下繫兩璜行則衝牙觸璜而有聲

也呂氏曰非獨玉也

觸音燧箴

與針同

管凡可佩者皆

是也

建安熊氏曰婦人左佩紛悅刀礪小觸金燧右佩箴管線纊大觸木燧之屬備尊者使令也觸

解結狀如錐以象骨爲之燧取火箴貯以管

贈送順愛問遺也

孔氏曰曲禮云凡以

苞苴筭筭問人者左傳衛侯使人以弓問子貢皆遺人物謂之問

○婦又語其夫曰

我苟知子之所致而來及所親愛者則當解此雜佩

以送遺報答之蓋不惟治其門內之職又欲其君子

親賢友善結其驩心而無所愛於服飾之玩也慶源輔氏

曰一意而三疊之以見其情之不能自己也夫勤勞以成業和樂以宜家此婦之賢德然情猶未已也故無所愛於服飾之玩而欲其君子之親賢以輔成其德是又加於人一等矣

女曰雞鳴三章章六句

朱子曰此詩意思甚好讀之使人有不知手舞足蹈

者○慶源輔氏曰觀此詩則鄭國之俗雖曰淫亂然在下之人夫婦之間猶知禮義勤生業不昵於宴私相安於和樂而又能贊助其君子親賢樂善以輔成其德此可以觀先王之澤與民性之善矣

有女同車顏如舜華

叶芳無反

將翔將翔佩玉瓊琚彼美孟

姜洵美且都

賦也舜木槿也樹如李其華朝生暮落

陸氏曰舜取瞬之義孟

字姜姓洵信都閒雅也○此疑亦淫奔之詩言所與

同車之女其美如此而又歎之曰彼美色之孟姜信

美矣而又都也

慶源輔氏曰鄭詩惟此篇爲男悅女之辭

○有女同行

叶戶郎反

顏如舜英

叶於良反

將翔將翔佩玉將將

七羊反

彼美孟姜德音不忘

賦也英猶華也將將聲也德音不忘言其賢也

臨川王氏

曰於瓊琚言德之容於將將言德之音各以其類也
○慶源輔氏曰所謂德音是以日月詩之德音類也
世衰道降狗情肆欲
所美非美者多矣

有女同車二章章六句

山有扶藪隰有荷華

叶芳無反

不見子都乃見狂且

子餘反

興也扶蘇扶胥

疎須二音

小木也荷華芙蕖也

釋文曰未開曰菡萏

已發曰芙蕖

子都男子之美者也

孟子曰至于子都天狂下莫不知其姣者也

狂人也且語辭也○淫女戲其所私者曰山則有扶

蘇矣隰則有荷花矣今乃不見子都而見此狂人何哉

○山有橋松隰有游龍不見子充乃見狡童

興也上竦無枝曰橋亦作喬游枝葉放縱也龍紅草

也一名馬蓼葉大而色白生水澤中高丈餘

張子曰龍是蓼

草其枝幹膠屈著土處便有根如龍也本草云蓼草一名鴻藟如馬蓼而大即水蓼也詩注云一名馬蓼

馬蓼自是一子充猶子都也

董氏曰子充不見於書疑亦以美著也

狡

童狡獪之小兒也

山有扶蘇二章章四句

攴

他落反

攴攴風其吹女

汝音

叔兮伯兮倡

昌亮反

予和

胡卧

反叶戶圭反女

興也攴木槁而將落者也女指攴而言也叔伯男子之字也予女子自予也女叔伯也○此淫女之詞言攴兮攴兮則風將吹女矣叔兮伯兮則盍倡予而予將和女矣

○攴兮攴兮風其漂

匹遙反

女叔兮伯兮倡予要

於遙反

女

興也漂飄同要成也

慶源輔氏曰爾能倡予則予將成汝之志視前章所謂和女者

其情益急矣

擇兮二章章四句

彼狡童兮不與我言兮維予之故使我不能餐

叶七丹反

反兮

賦也此亦淫女見絕而戲其人之詞言悅已者衆子雖見絕未至於使我不能餐也

○彼狡童兮不與我食兮維予之故使我不能息兮

賦也息安也

狡童二章章四句

子惠思我褰裳涉溱

側巾反

子不我思豈無他人狂童之

狂也且

子餘反

賦也惠愛也溱鄭水名狂童猶狂且狡童也且語辭也○淫女語其所私者曰子惠然而思我則將褰裳而涉溱以從子子不我思則豈無他人之可從而必於子哉狂童之狂也且亦諠之之辭

○子惠思我褰裳涉洧叶于反子不我思豈無他士鈕里反

狂童之狂也且

賦也洧亦鄭水名前漢地理志曰洧水出潁州陽城山東南至長平入潁士未

娶者之稱

褰裳二章章五句慶源輔氏曰婦人從一而終者也狡童褰裳之詩則其縱欲而

賊理也甚矣

子之丰芳容反叶兮俟我乎巷叶胡反兮悔予不送兮芳用反

賦也丰豐滿也巷門外也○婦人所期之男子已俟

乎巷而婦人以有異志不從既則悔之而作是詩也

○子之昌兮俟我乎堂兮悔予不將兮

賦也昌盛壯貌將亦送也

○衣於既反

錦褰苦迴反

衣裳錦褰裳叔兮伯兮駕予與行

郎叶戶反

賦也褰褌音丹也

鄭氏曰蓋以褌穀爲之中衣裳用錦而上加褌穀焉惡其文之著也

叔

伯或人之字也○婦人既悔其始之不送而失此人

也則曰我之服飾既盛備矣豈無駕車以迎我而偕

行者乎

○裳錦褰裳衣錦褰衣叔兮伯兮駕予與歸

賦也婦人謂嫁曰歸

丰四章二章章三句二章章四句

東門之墠

音善叶上
演反

茹

音如
蘆反

在

音反叶
孚嚮反

其室則邇

其人甚遠

賦也東門城東門也墠除地

音

挺者

孔氏曰除地
去草故云

町茹蘆茅蒐也

一名茜

倉甸反

可以染絳

本草曰一名
地血染似棗

葉頭尖下闊莖葉俱濕四五葉對生節間蔓延草木上根紫赤色

陂音坡者曰阪孔氏曰陂

陀不平而可種者曰阪門之旁有墀墀之外有阪阪之上有草

識音志其所與淫者之居也室邇人遠者思之而未得

見之詞也

○東門之栗有踐家室豈不爾思子不我即

賦也踐行列貌門之旁有栗栗之下有成行列之家

室亦識其處也即就也

慶源輔氏曰思之切而冀其亟來就已之辭

東門之墀二章章四句

風雨淒淒

子西反

雞鳴喈喈

音皆叶居奚反

既見君子云胡不夷

賦也淒淒寒涼之氣喈喈雞鳴之聲風雨晦冥蓋淫

奔之時君子指所期之男子也夷平也○淫奔之女

言當此之時見其所期之人而心悅也

○風雨瀟瀟鷄鳴膠膠

叶音驕

既見君子云胡不瘳

叶憐反

賦也瀟瀟風雨之聲膠膠猶喈喈也

華谷嚴氏曰羣鷄之聲

瘳

病愈也言積思之病至此而愈也

○風雨如晦

叶呼洧反

雞鳴不已既見君子云胡不喜

賦也晦昏已止也

東陽許氏曰皆皆膠膠不已皆鷄聲紛襍之意○慶源輔氏曰喜甚

於瘳瘳甚於夷云胡不喜言如之何而不喜也蓋喜劇之辭

風雨三章章四句

青青子衿

音金

悠悠我心縱我不往子寧不嗣音

賦也青青純

音準

緣去聲

之色具父母衣純以青

孔氏曰物色雖

一青而重言青青者古人之復言也如都人士狐裘黃黃謂狐色黃耳深衣云具父母衣純以青狐子衣

純以素

子男子也衿領也悠悠思之長也我女子自我

也嗣音繼續其聲問也此亦淫奔之詩

○青青子佩

叶蒲眉反

悠悠我思

叶新賁反

縱我不往子寧不來

叶陵之反

賦也青青組綬

禮記玉藻注曰所以貫佩玉相承受者組綬一物也

之色佩佩

玉也

孔氏曰禮不佩青玉而云青玉者佩玉以組綬帶之

○挑兮達兮

他刀反

達兮

他末反

叶

兮在城闕兮一日不見如三

月兮

賦也挑輕儇

烜平聲

跳躍之貌達放恣也

慶源輔氏曰此淫女望其

所與私者既無音問又不見其來而極其怨之辭也

子衿三章章四句

揚之水不流束楚終鮮

反息淺

兄弟維予與女

同女汝

無信

人之言人實迂

居望反

女

興也兄弟婚姻之稱

爾雅曰婦之黨爲婚兄弟壻之黨爲姻兄弟注云古人皆謂婚

姻爲禮所謂不得嗣爲兄弟是也

禮記曾子問篇陳

兄弟之義夫唱婦隨猶兄先弟從所謂宴爾新婚如兄弟如弟是也陳澹解曰兄弟者亦親之之辭也

予

女男女女自相謂也人他人也迂與誑同○淫者相謂

言揚之水則不流束楚矣終鮮兄弟則維予與女矣

豈可以他人離間之言而疑之哉彼人之言特誑女耳

○揚之水不流束薪終鮮兄弟維予二人無信人之言

人實不信

叶斯反

興也

揚之水二章章六句

出其東門有女如雲雖則如雲匪我思存古老反綯衣綦

巨基反

巾聊樂我員

于云反

賦也如雲美且衆也縞白色綦蒼艾色

孔氏曰戰國策云强弩之

餘不能穿魯縞則縞是薄縵不染故色白也縞衣綦

巾女服之貧陋者此人自目其室家也

華谷嚴氏曰猶云荆釵布

也裙員與云同語辭也○人見淫奔之女而作此詩以

爲此女雖美且衆而非我思之所存也如已之室家

雖貧且陋而聊可以自樂也是時淫風大行而其間

乃有如此之人亦可謂能自好而不爲習俗所移矣

羞惡之心人皆有之豈不信哉

慶源輔氏曰出其東門有女如雲目之所

觀若可美也。雖則如雲匪我思存，反之於心而知其非所當慕樂也。縞衣綦巾，聊樂我員，則安分自樂而不徇俗以忘己也。大序所謂發乎情，止乎禮義，先王之澤於此，可以觀矣。

○出其閨

音閨 因閨都音

有女如茶，匪我思且。

子餘

反 縞衣如蘆，聊可與娛。

賦也。闔曲城也。

永嘉陳氏曰：門之外有副闔，城臺也。城回曲以障門者，謂之闔。

孔氏曰：闔是城上之臺，謂當門臺也。

茶茅華輕白可愛者也。

孔氏曰：釋草有茶苦。

菜又有荼，委葉邛風茶苦即苦菜也。周頌茶蓼即委葉也。此言如茶乃是茅草秀出之穗，非彼二種茶也。

且語助辭。茹蘆可以染絳，故以名衣服之色，娛樂也。

出其東門二章章六句

朱子曰此詩却是箇識道理人做鄭詩雖淫亂然此

詩却如此好女曰雞鳴與此詩亦好○慶源輔氏曰鄭詩唯女曰雞鳴與此詩為得夫婦之道夫

子錄之正以見人性之本善而先王之澤猶未泯也○南豐曾氏曰氓以華落色衰而相棄背

谷風以淫於新昏而棄室唯出其東門則不然

野有蔓草零露漙

徒端反叶上充反

兮有美一人清揚婉兮邂

逅相遇適我願

叶五反

兮

賦而興也蔓延也漙露多貌清揚眉目之間婉然美

也邂逅不期而會也○男女相遇於野田草露之間

故賦其所在以起興言野有蔓草則零露漙矣有美一人則清揚婉矣邂逅相遇則得以適我願矣

○野有蔓草零露漙漙有美一人婉如清揚邂逅相遇與子偕臧

賦而興也漙漙亦露多貌臧美也與子偕臧言各得
其所欲也

野有蔓草二章章六句

溱與洧方渙渙

叶于反

兮士與女方秉簡

古顏反

兮女

曰觀乎士曰既且

子餘反

且往觀乎洧之外洵訐

况于反

且

樂

洛音

維士與女伊其相謔贈之以勺藥

賦而興也渙渙春水盛貌蓋冰解而水散之時也

詩考

曰三月桃花水下之時

簡蘭也其莖葉似澤蘭廣而長節節中

赤高四五尺

朱子

曰蘭與

澤蘭

相似

生水旁

紫莖

且

赤節綠葉光潤尖長有岐陰小紫

語辭洵信訐大也勺藥亦香草也三月開花芳色可

愛

本草注

曰芍藥有

二種有草芍藥木芍藥

○鄭國之俗

三月上巳之辰

采蘭水上

以祓除不祥

故其女問於士曰盍往觀乎

采蘭水上

以祓除不祥

士曰吾既往矣女復要之曰且往觀乎蓋洧水之外其地信寬大而可樂也於是士女相與戲謔且以勺藥相贈而結恩情之厚也此詩淫奔者自叙之詞

○溱與洧

音畱

其清矣士與女殷其盈矣女曰觀乎士

曰既且且往觀乎洧之外洵訏且樂維士與女伊其將謔贈之以勺藥

賦而興也瀏深貌殷衆也將當作相聲之誤也

溱洧二章章十二句

慶源輔氏曰鄭國之土地寬平人物繁麗情意駘蕩風俗

淫泆讀是詩者可以盡得
之詩可以觀詎不信然

鄭國二十一篇五十三章二百八十三句

鄭衛之樂皆爲淫聲然以詩考之衛詩三十
有九而淫奔之詩才四之一鄭詩二十有一
而淫奔之詩已不翅七之五衛猶爲男悅女
之詞而鄭皆爲女惑男之語衛人猶多刺譏
懲創之意而鄭人幾於蕩然無復羞愧悔悟
之萌是則鄭聲之淫有甚於衛矣故夫子論


爲邦獨以鄭聲爲戒而不及衛蓋舉重而言

固自有次第也詩可以觀豈不信哉

華陽范氏曰樂

之淫者鄭衛如有王者必放鄭聲然則亂關
雎者莫如鄭衛故鄭詩終於亂之極焉○詩
考曰公羊疏許氏云鄭詩二十一篇說婦人
者十九○安成劉氏曰鄭詩之有緇衣羔裘
女曰鷄鳴出其東門數篇乃礫中之玉也他
如大叔于田及清人詩雖無足尚猶幸非爲
淫奔而作若叔于田則亦未免有男女相悅
之疑是其二十二篇之中曉然不爲淫奔而
作者五六篇而已故曰淫奔之詩不翅七之
五然自昔說詩者唯以東門之墠與溱洧爲
淫詩今朱子乃例以淫奔斥之者蓋即其辭
而得其情正以發明放鄭聲之旨不然則衛

齊陳詩諸篇非無淫聲夫
子何獨以鄭聲爲當放哉



詩傳大全卷四

欽定四庫全書

經部

詩傳大全卷五

詳校官監察御史_臣盛嘉祐

通政使司副使_臣莫瞻菴覆勘

覆校官編修_臣曹城

校對官檢討_臣王坦修

謄錄監生_臣梅德

欽定四庫全書

詩傳大全卷五

明 胡廣等 撰

齊一之八

齊國名本少昊時爽鳩氏所居之地

孔氏曰爽鳩氏司寇

也爽鳩鷹也驚故爲司寇主盜賊少昊以爲名官其人之名氏則未聞也

在禹貢爲

青州之域周武王以封太公望東至于海西至

于河南至于穆陵北至于無棣太公姜姓本四

岳之後

孔氏曰齊世家云呂尚者其先爲四岳封於呂姓姜氏從其封姓故曰呂尚西

伯獵遇與語大悅曰自吾先君太公曰當有聖人適周周國以興吾太公望子久矣故號之曰太公望載歸立爲太師文王崩武王平商封於營丘既封於齊通工商之

業便魚鹽之利民多歸之故爲大國

勿軒熊氏曰齊乃東

方形勝要害之地世號爲東西秦秦得百二齊亦得十二蓋可見矣大抵齊地富強近利故孔

子謂齊變而後至魯也

今青齊淄

莊持反

濰德棣等州是其

地也

青州即今青州府齊州今爲濟南府淄州今爲淄川縣濰州今爲濰縣棣州今爲樂

安州與德州並隸山東

鷄既鳴矣朝

音潮

既盈矣匪雞則鳴蒼蠅之聲

賦也言古之賢妃御於君所至於將旦之時必告君

曰雞既鳴矣會朝之臣既已盈矣欲令君早起而視

朝也然其實非雞之鳴也乃蒼蠅之聲也蓋賢妃當

夙興之時心常恐晚故聞其似者而以爲真非其心

存警畏而不留於逸欲何以能此

三山李氏曰心苟在焉則聞蒼蠅之

聲以爲雞鳴心不在焉雖雷霆在側而耳不聞焉故詩人敘其事而美之也

○東方明

叶謨郎反

矣朝既昌矣匪東方則明

同上

月出之光

賦也東方明則日將出矣昌盛也此再告也

慶源輔氏曰一

章疑於耳也二章疑於目也古之賢妃進御於君當其夙興之時心常恐晚故於耳目間見之際疑其似者而以爲真玩繹其辭則其戰兢警惕真有臨深履薄之意至誠所感則其爲君焉有留於宴昵之私者哉○安成劉氏曰此章以月光爲東方明乃目見其似而以爲真也如前章則是耳聞其似者而以爲真也

○蟲飛薨薨甘與子同夢

叶莫滕反

會且歸矣無庶予子憎

賦也蟲飛夜將旦而百蟲作也甘樂會朝也○此三告也言當此時我豈不樂與子同寢而夢哉然羣臣之會於朝者俟君不出將散而歸矣無乃以我之故

而并以子爲憎乎

臨川王氏曰甘與子同夢情也會且歸矣無庶子子憎義也

雞鳴三章章四句

三山李氏曰自古人君修身謹行而無流連荒亡之禍者非特

有忠臣義士亦由賢妃貞女夙夜警戒以成其德周宣之姜后齊桓之衛姬楚莊之樊妃是也不獨人君爲然吳許升爲博徒妻呂榮躬勤家業以養其姑數勸升修學升每爲不義輒流涕進規升感激自勵乃尋師遠學遂成名賢女之助如此○安成劉氏曰夫爲妻綱古之人身修而家齊者上也思齊所謂刑于寡妻是也夫道不足幸有賢妃助之成德者次也此詩所述是也彼有相與昏淫耽樂卒以覆亡如曆印所刺幽王褒姒者無足道矣○豐城朱氏曰男女之際人欲之所存焉節欲而循乎天理者賢君之所以治也縱欲而滅夫天理者昏君之所以亂

也此詩述賢妃警畏之心如此蓋天理之所以常存而人心之所以不死也其爲君子之助不

亦多

子之還

音旋

兮遭我乎狃

乃刀反

之間

叶居反

兮竝驅從兩肩

兮揖我謂我儇

許全反

兮

賦也還便捷之貌狃山名也從逐也獸三歲曰肩

釋文

曰亦作狃○孔氏曰獻肩于公則肩是大獸故言三歲

儇利也○獵者交錯於

道路且以便捷輕利相稱譽如此

鄭氏曰俱出獵而相遭也謂我儇譽

之也譽之者以報前言還也

而不自知其非也則其俗之不美可

見而其來亦必有所自矣

安成劉氏曰集傳但言必有所自蓋不質其爲襄公

所致也

○子之茂

叶莫反

兮遭我乎狁之道

叶徒厚反

兮竝驅從兩牡

兮揖我謂我好

叶許厚反兮

賦也茂美也

○子之昌兮遭我乎狁之陽兮竝驅從兩狼兮揖我謂

我臧兮

賦也昌盛也山南曰陽狼似犬銳頭白頰高前廣後

爾雅曰狼牡名獾
牝名狼獾音歡

臧善也

還三章章四句

疊山謝氏曰千萬人之習俗原於一人之好尚千百年之敝化生於

一時之放心齊俗好田如此爲人上者可不謹哉○華陽范氏曰表記云上之好惡不可不謹也是民之表也國君禽荒而國人以習於田獵爲賢闕於馳逐爲好安於所習而不自知其非道民之道可不慎哉

俟我於著

直據反叶
直居反

乎而充耳以素

租反

乎而尚之以

瓊華

叶芳無反

乎而

賦也俟待也我嫁者自謂也著門屏之間也

孔氏曰門屏之

間謂之宁門內屏外人君視朝所宁立處也著與宁音義同

充耳以纁

音

懸璜

音

所謂統

音膽也

孔氏曰懸璜當耳故謂之塞耳

統懸璜之繩用雜絲線織之

尚加也

瓊華美石似玉者即所以爲璜也

朱子曰古者五等之爵朝會祭祀皆

以充耳不知此詩是說何人所說尚之以青黃素瓊瑤英大抵只是押韻不知古人充耳以璜或用玉或用象看來是以線穿垂在當耳處

○東萊呂氏曰昏禮壻往婦家親

迎

去聲

既奠雁御

音

輪而先歸俟于門外婦至則揖以

入時齊俗不親迎故女至壻門始見其俟已也

○俟我於庭乎而充耳以青乎而尚之以瓊瑩

音

榮乎而

賦也庭在大門之內寢門之外

廬陵李氏曰堂下至門謂之庭

瓊瑩

亦美石似玉者○呂氏曰此昏禮所謂壻道婦及寢

門揖入之時也

○俟我於堂乎而充耳以黃乎而尚之以瓊英

叶於良反乎

而

賦也瓊英亦美石似玉者

孔氏曰木謂之華草謂之榮榮而不實者謂之英然

則瓊英瓊華瓊瑩皆玉石光色○疊山謝氏曰其充耳則以素以青以黃其加飾則瓊華瓊瑩瓊英修容

盛飾非不美也惜乎不知禮耳

○呂氏曰升階而後至堂此昏禮所

謂升自西階之時也

東萊呂氏曰既不親迎故但行婦至壻家之禮壻道婦入故於

著於庭於堂每節皆俟之也

著三章章三句

東方之日兮彼姝

赤朱反

者子在我室兮在我室兮履我

即兮

興也履躡即就也言此女躡我之跡而相就也

廬陵歐陽

氏曰相邀以奔之詞也

○東方之月兮彼姝者子在我闥

叶它悅反

兮在我闥兮履

我發

叶方兮
月反

興也闔門內也發行去也言躡我而行去也

東方之日二章章五句

慶源輔氏曰東方之日東
方之月恐是因其時以起

興言彼淫奔之女旦則躡我之
跡而來莫則躡我之跡而去也

東方未明

叶謨
郎反

顛倒

都老
反

衣裳顛之倒

叶都
妙反

之自公召

之

賦也自從也羣臣之朝

音
潮

必列
反

色始入○此詩人

刺其君興居無節號令不時言東方未明而顛倒其

衣裳則既早矣而又已有從君所而來召之者焉蓋猶以爲晚也或曰所以然者以有自公所而召之者

故也

○東方未晞顛倒裳衣倒之顛

叶典因反

之自公令

力證反叶力呈

反之

賦也晞明之始升也

孔氏曰晞是日之光氣湛露云匪陽不晞謂見日之光氣而物

乾故以晞爲乾蒹葭云白露未晞言露在朝旦未見日氣故以爲乾義此無取於乾故言明之始謂將旦時日之光
令號令也
氣始升也

○折

音哲

柳樊圃

叶博故反

狂夫瞿瞿

俱具反

不能辰夜

叶羊茹反

不

夙則莫

音慕

比也柳楊之下垂者柔脆之木也樊藩也圃菜園也

孔氏曰郭璞云藩籬也種菜之地謂之圃其外藩籬謂之園故曰圃菜園也

瞿瞿驚顧之

貌夙早也○折柳樊圃雖不足恃然狂夫見之猶驚

顧而不敢越以比辰夜之限甚明人所易知今乃不

能知而不失之早則失之莫也

程子曰柳柔脆易折之物折之爲藩籬非

堅固也狂夫亦知其有限晝夜之限非不明也乃不能知而不早則晏言無節之甚

東方未明三章章四句

南山崔崔

子雖反

雄狐綏綏魯道有蕩齊子由歸既曰歸

止曷又懷

叶胡威反止

比也南山齊南山也崔崔高大貌狐邪媚之獸

孔氏曰對

文則飛曰雌雄走曰牝牡散則可以相通左傳云獲其雄狐亦謂牡爲雄

綏綏求匹之貌

魯道適魯之道也蕩平易也齊子襄公之妹魯桓公

夫人文姜襄公通焉者也

孔氏曰襄公名諸兒傷公子○安成劉氏曰桓公名

軌一名允惠公庶子

由從也婦人謂嫁曰歸懷思也止語辭○

言南山有狐以比襄公居高位而行邪行

鄭氏曰雄狐行求匹

耦於南山之上形貌綏綏然喻襄公居人君之尊而爲淫佚之行可恥惡如狐且文姜既從

此道歸于魯矣襄公何爲而復思之乎

○葛屨五兩

如字又音亮

冠綏

如誰反

雙

叶所終反

止魯道有蕩齊

子庸止既曰庸止曷又從止

比也兩二屨也綏冠上飾也屨必兩綏必雙物各有

耦不可亂也

藍田呂氏曰屨與屨爲耦雖五兩各相耦冠綏之雙亦自爲耦襄公文姜非其

耦也○廬陵羅氏曰複下曰烏禪下曰屨下謂底禮書二組屬於筭順頭而下結之謂之纓纓之垂者謂

之庸用也用此道以嫁于魯也從相從也

藍田呂氏曰此上二

章罪襄公言其理如是而襄公違之以淫泆者何也

○藝麻如之何衡

音橫從反

子容反

其畝

莫後反

取

七喻反

妻如之

何必告

工毒反

父母

莫後反

既曰告

同上

止曷又鞠

居六反

止

興也藝樹鞠窮也○欲樹麻者必先縱橫耕治其田

畝

毛氏曰衡獵之從獵之種之然後得麻○孔氏曰獵是行步踐履之名○釋文曰衡亦作橫韓詩云

東西耕曰橫從韓詩作由云南北耕曰由

欲娶妻者必先告其父母今魯

桓公既告父母而娶矣又曷爲使之得窮其欲而至

此哉

東萊呂氏曰納之不正則容有不敢制者今魯侯既以正禮納文姜當早裁制之曷爲又使窮

其姦而至

於極也

○析薪如之何匪斧不克取妻如之何匪媒不得既曰得止曷又極止

興也克能也極亦窮也

藍田呂氏曰此上二章罪魯桓公言其理如是桓公縱之

窮極其

惡何也

南山四章章六句

春秋桓公十八年公與夫人姜氏如齊公薨于

齊

武夷胡氏曰與者許可之詞曰與者罪在公也夫淫亂者文姜而春秋罪桓公治其本也

傳曰公將有行遂與姜氏如齊申繻

音需

曰女有

家男有室無相瀆也謂之有禮易此必敗公會

齊侯于濼

匹各反

遂及文姜如齊齊侯通焉公謫

之以告夏四月享公使公子彭生乘公公薨于

車此詩前二章刺齊襄後二章刺魯桓也

無田

音佃

甫田維莠

羊九反

驕驕

叶音高

無思遠人勞心忉忉

刀音

比也田謂耕治之也甫大也莠害苗之草也驕驕張

王

並去聲

之意忉忉憂勞也○言無田甫田也田甫田

而力不給則草盛矣無思遠人也思遠人而人不至

則心勞矣以戒時人厭小而務大忽近而圖遠將徒

勞而無功也

眉山蘇氏曰田必自其小者始小者有餘而甫田可啓矣思遠人必自其近者

始近者既服而遠者自至矣○慶源輔氏曰厭小而務大田甫田者也妄作者之所爲也忽近而圖遠思遠人者也妄想者之所冀也妄作則事不遂妄想則心徒勞

○無田甫田維莠桀桀無思遠人勞心怛怛

叶旦反

比也桀桀猶驕驕也

東萊呂氏曰驕驕桀桀皆稂莠侵凌嘉穀之狀

怛怛猶

怵怵也

○婉兮孌

叶龍卷反

兮總角卬

古患反叶古縣反

兮未幾

居豈反

見兮

突而弁兮

比也婉孌少好貌卬兩角貌未幾未多時也突忽然

高出之貌

釋文曰卒相見謂之突○韻書曰它骨反犬從穴中暫出也

弁冠名

孔氏

曰弁者冠之大號也

○言總角之童見之未久而忽然戴弁以

出者非其躡等而強求之也蓋循其序而勢有必至

耳此又以明小之可大邇之可遠能循其序而修之

則可以忽然而至其極若躡等而欲速則反有所不

達矣

慶源輔氏曰末章又以其事之易見而人所共知者爲比以曉之小之可大邇之可遠理固然

也厭小務大忽近圖遠則欲之亟也循其理之自然而計獲之心不萌則忽然而造其極有不自知者徇其欲之所爲則躁亟之意紛然而終不能有所達矣

甫田三章章四句

或問甫田詩志大心勞朱子曰小序說志大心勞已是說他不

好人若能循序而進求之以道則志不爲徒大心亦何勞之有人之所期固不可不達大然下手做時也須一步作一步著實做始得若徒然心務高遠而不下著實之功亦何益哉○豐城

朱氏曰田之大者非果不可治也先小而後大
可也人之遠者非果不可來也先近而後遠可
也天下之理可循序而漸致不可躡等而欲速
果循其序則總角之童可以忽然而見其弁是
小非不可以爲大近非不可以爲遠也果欲躡
等則厭小務大而大終不可以爲忽近圖遠而遠
終不可至矣亦
何益之有哉

盧令令

音零

其人美且仁

賦也盧田犬也

孔氏曰犬有田犬守犬戰國策云韓國盧天下之駿犬是盧爲田犬也

令令犬頷下環聲○此詩大意與還略同

○盧重

直龍反

環其人美且鬢

音權

賦也重環子母環也

孔氏曰重環謂環相重大環貫一小環也

髮鬚鬚好

貌

○盧重鋤

音梅

其人美且佻

七才反

賦也鋤一環貫二也

孔氏曰一大環貫一小環

佻多鬚之貌

慶源輔氏

曰仁則美其德也鬚與佻則美其貌也

春秋傳所謂于思即此字古通

用耳

安成劉氏曰左傳宣公二年宋之城者譏華元曰于思于思棄甲復來陸氏曰思西才反多鬚

貌則此思字音顯

盧令三章章二句

敝笱在梁其魚魴鰈

古頑反叶
古倫反

齊子歸止其從

才用反

如

雲

比也敝壞笱罟也

說文曰曲
竹捕魚

魴鰈大魚也

孔氏曰孔
叢子云衛

人釣得鰈魚其大盈車子思問曰如何得對曰吾下
釣垂一魴之餌鰈過而不視又以豚之半鰈則吞矣
是則鰈爲
大魚也 歸歸齊也如雲言衆也○齊人以敝笱不

能制大魚比魯莊公不能防閑文姜

渤海胡氏曰魴
鰈鰈皆魚之可

制者也爲其笱之敝敗而不能制文姜本可防閑而
制之由魯莊微弱不能防閑也○朱子曰防所以止
水閑所以扞物故
防閑有禁制之意 故歸齊而從之者衆也

新安胡氏
曰齊子歸

欽定四庫全書

詩傳大全

十三

止而有如雲之從責莊公
不能禁之之意在其中矣

○敝笱在梁其魚魴魴

才呂反

齊子歸止其從如雨

比也魴似魴厚而頭大或謂之魴

孔氏曰陸璣云魴頭尤大魚之不美

者故里語曰罔魚得魴不如罔姑○埤雅曰魴性旅行故其字從與亦謂之魴也

如雨亦多

也

龜山楊氏曰如雲如雨言從之者衆也許穆夫人思歸唁其兄許人尤之終以義不得而止若魯莊

公剛而有制使魯人無肯從者如許人焉則文姜雖欲適齊尚可得乎

○敝笱在梁其魚唯唯

唯癸反

齊子歸止其從如水

比也唯唯行出入之貌如水亦多也

敝笥三章章四句

按春秋魯莊公二年夫人姜氏會齊侯于禚

音灼

○杜氏曰禚齊地○武夷胡氏曰婦人無外事
送迎不出門既嫁從夫夫死從子今會齊侯于
禚是莊公不能防
閑其母失子道也四年夫人姜氏享齊侯于祝

丘

杜氏曰魯地○武夷胡氏曰兩君相見享于
廟中禮也非兩君相見又去其國而享諸侯

甚矣五年夫人姜氏如齊師

武夷胡氏曰曰會曰
享猶爲之名也至是

如齊師羞惡之心亡矣
夫人之行不可復制矣

七年夫人姜氏會齊侯

于防又會齊侯于穀

武夷胡氏曰防魯地穀齊
地一歲而再會焉其爲惡

益遠矣○春秋莊公十五年夫人姜氏如齊十九年夫人姜氏如莒二十年夫人姜氏如莒胡氏傳云禮義者天下之大防也其禁亂之所由生猶坊止水之所自來也衛女思歸寧而不得故泉水賦許穆夫人思唁其兄而阻於義故載馳作聖人錄於國風以示後世使知男女之別也今夫人如齊以寧其父母而父母已終以寧其兄弟又義不得往宗國猶爾而況如莒乎婦人從人者也夫死從子而莊公失子之道不能防閑其母禁亂之所由生故初會于禚次享于視丘又次如齊師又次會于防于穀又次如齊又再如莒此以舊坊爲無所用而廢之者也是以至此極觀春秋所書之法則知防閑之道矣

載驅薄薄

反 普各

簞第朱韞

反 苦郭

魯道有蕩齊子發夕

叶 祥

反 倫

賦也薄薄疾驅聲簟方文席也第車後戶也

孔氏曰謂以竹

爲簟蔽車之後戶也

朱朱漆也鞞獸皮之去毛者蓋車革質而

朱漆也夕猶宿也發夕謂離於所宿之舍○齊人刺

文姜乘此車而來會襄公也

○四驪

力馳反

濟濟

子禮反

垂轡瀾瀾

乃禮反

魯道有蕩齊子

豈

開改反

弟

叶待禮反

賦也驪馬黑色也濟濟美貌瀾瀾柔貌豈弟樂易也

言無忌憚羞恥之意也

○汶

音問

水湯湯

失章反

行人彭彭

必七反

魯道有蕩齊子翱

翔

賦也汶水名在齊南魯北二國之竟湯湯水盛貌彭

彭多貌言行人之多亦以見其無恥也

○汶水滔滔

吐刀反

行人儻儻

表驕反叶音褒

魯道有蕩齊子遊

敖

賦也滔滔流貌儻儻衆貌遊敖猶翱翔也

載驅四章章四句

疊山謝氏曰曰豈弟曰翱翔曰遊教文姜之情態歡欣快樂如

此無禮義無羞恥無忌憚盡見於此詩矣詩人鋪敘之詳形容之巧刺之深疾之甚也

猗嗟昌兮

音祈

而長兮抑若揚兮美目揚兮巧趨蹌兮

射則臧兮

賦也猗嗟歎詞昌盛也頗長貌抑而若揚美之盛也

慶源輔氏曰抑若揚兮所以甚言其美也雖抑之而猶若揚而況於揚之乎

揚目之動也

踰趨翼如也臧善也○齊人極道魯莊公威儀伎藝

之美如此所以刺其不能以禮防閑其母若曰惜乎

其獨少此耳

安成劉氏曰射則臧不出正舞則選四矢反皆伎藝之美其餘所言皆威儀之

美

○猗嗟名兮美目清兮儀既成兮終日射

食亦反

侯不出

正

征音兮展我甥

叶桑經反兮

賦也名猶稱也言其威儀伎藝之可名也清目清明也儀既成言其終事而禮無違也侯張布而射之者也正設的於侯中而射之者也大射則張皮侯而設

鵠賓射則張布侯而設正

孔氏曰射皆三番而止云終日射侯者美其久射而

能中又曰正者侯中所射之處布侯畫正正大如鵠
三分侯廣而正居一焉侯身長一丈八尺者正方六
尺侯身一丈四尺者正方四尺六寸大半寸侯身一
丈者正方三尺三寸少半寸正以綵畫爲之王射五
正畫中朱次白次蒼次黃元居外諸侯射三正損元
黃孤卿大夫士同射二正去白蒼而畫以朱綠其外
之廣皆居侯中三分之一而中央之綵方二尺也正
之言正也射者內志正則能中亦鳥名齊魯之間名
題肩爲正鳥之捷黠者射難中以中爲俊故取名○
周禮梓人有皮侯采侯獸侯天子大射用皮侯賓射
用采侯燕射用獸侯鵠以皮爲之三分侯之一似鳥
之棲故曰棲鵠正則畫布爲之亦三分其侯而居一
射義注謂畫布曰展誠也姊妹之子曰甥言稱其爲
正棲皮曰鵠是也

齊之甥而又以明非齊侯之子此詩人之微詞也按

春秋桓公三年夫人姜氏至自齊六年九月子同生
即莊公也十八年桓公乃與夫人如齊則莊公誠非
齊侯之子矣

○猗嗟變

叶龍
卷反

兮清揚婉

叶許
願反

兮舞則選

雪
戀反

兮射則

貫

叶肩
縣反

兮四矢反

叶孚
絢反

兮以禦亂

叶靈
卷反

兮

賦也變好貌清目之美也揚眉之美也婉亦好貌選
異於衆也或曰齊於樂節也貫中而貫革也四矢禮
射每發四矢

鄭氏曰禮射謂以禮樂射也大射賓
射燕射是矣四矢象有事於四方

反

復也中皆得其故處也言莊公射藝之精可以禦亂

如以金僕姑射南宮長萬可見矣

華陽范氏曰射足以禦亂而禮不足

以防淫也○左傳莊公十一年注曰金僕姑矢名南宮長萬宋大夫

猗嗟三章章六句

或曰子可以制母乎趙子曰夫死從子通乎其
下況國君乎君者人神之主風教之本也不能
正家如正國何若莊公者哀痛以思父誠敬以
事母威刑以馭下車馬僕從莫不俟命夫人徒

往乎夫人之往也則公哀敬之不至威命之不

行耳

慶源輔氏曰趙子之說義理之正聖賢復生不可易也

東萊呂氏曰

此詩三章譏刺之意皆在言外嗟嘆再三則莊

公所大闕者不言可見矣

華谷嚴氏曰變風之體意在言外有全篇

首尾皆託之他詞但中間冷下一二語自然使人默會如此詩極言其人容貌威儀伎藝之美而以歎息之詞發之是其人所不足者必有在於容貌威儀伎藝之外矣中間展我甥兮一句只是一甥字便見得是刺魯莊公只一展字便見得是以莊公爲齊侯之子讀者既默會其意見得自猗嗟而下句句是稱美處節節是歎息不滿處詞不急迫而意深切矣○疊山謝氏

曰一章射則臧兮射則善矣德則未見其善亦可惜也一章展我甥兮莊公誠爲我齊國之甥今人乃以爲齊侯之子亦可惜也三章以禦亂兮莊公善射似可以禦亂也齊侯文姜之淫亂則無策以禦之亦可惜也○三山李氏曰夫子曰君子多乎哉不多也世人乃專心於此而忘其本故莊公有威儀伎藝之美而不免猗嗟之刺昭公習威儀之亟而不能止乾侯之禍漢成帝善修容儀升車正立不內顧而不能制趙氏之橫雖多才藝而不能務本何所補哉

齊國十一篇三十四章一百四十三句

魏一之九

魏國名本舜禹故都

孔氏曰舜都蒲坂禹都平陽或安邑皆河東界魏境

內有其都爾魏
不居其墟也

在禹貢冀州雷首之北析城之

西南枕

之煇反

河曲北涉汾水其地陘隘而民貧

俗儉蓋有聖賢之遺風焉

東萊呂氏曰水經注魏國城西南並去大

河可二十餘里北去首山十餘里處河山之間土地迫隘○鄭氏曰昔舜耕歷山陶河濱禹菲飲食惡衣服卑宮室此儉約之化於是猶存周初以封同姓後爲晉

獻公所滅而取其地

鄭氏曰魯閔公元年晉獻公滅之以其地賜大夫畢

萬○安成劉氏曰先儒以魏所封爲文王子畢公高之後也

今河中府解

下買

反

州即其地也

解州今隸山西平陽府

蘇氏曰魏地入晉

久矣其詩疑皆爲晉而作故列於唐風之前猶

邶鄘之於衛也

眉山蘇氏曰檜者鄭所滅也檜詩不爲鄭而邶鄘爲衛魏爲晉

何也邶鄘魏之詩作於既滅其詩所爲者衛晉也至於檜詩未亡而先作矣

今按篇

中公行

反戶郎

公路公族皆晉官疑實晉詩又恐

魏亦嘗有此官蓋不可考矣

糾糾

反吉黠

葛屨可以履霜摻摻

反所衛

女手可以縫裳要

於遙

之褊

反紀力

之好人服

反叶蒲

之

興也糾糾繚戾寒涼之意夏葛屨冬皮屨

孔氏曰夏葛屨猶締

絡所以當暑特爲便於時耳非行禮之服若行禮雖夏猶當用皮 摻摻猶纖纖也女

婦未廟見

音現

之稱也娶婦三月廟見然後執婦功

孔氏

曰三月廟見謂無舅姑者婦入三月乃見舅姑之廟若有舅姑則士昏禮云質明贊見婦於舅姑不待三月也雖即見舅姑亦三月乃助祭行未祭行亦未成婦也要裳要襪衣領好人猶

大人也○魏地陘隘其俗儉嗇而褊急故以葛屨履

霜起興而刺其使女縫裳

慶源輔氏曰糾糾葛屨本非可以履霜然自儉嗇者

言之則亦可以履霜矣以興摻摻女手本未可以縫裳然自褊急者言之則亦可使之縫裳矣又使

治其要襪而遂服之也此詩疑即縫裳之女所作

○好人提提

徒兮反

宛

於阮反

然左辟

音避

佩其象揅

勅帝反

維

是褊心是以爲刺

叶音砌

賦也提提安舒之意宛然讓之貌也

華谷嚴氏曰宛委曲遜順貌

讓而辟者必左

孔氏曰不敢當主故就客位

揅所以摘

音剔

髮用象

爲之貴者之飾也其人如此若無有可刺矣所以刺

之者以其褊迫急促如前章之云耳

慶源輔氏曰此章則刺其內外

表裏之不相副自其外而觀之則其進止之安舒遜

讓之有節服飾之貴盛宜若無可刺者矣然其心之

褊迫急促如前章之云

是以不能不刺之也

葛屨二章一章六句一章五句

廣漢張氏曰夫子謂與其奢也寧儉則儉雖失中本非惡德然而儉之過則至於吝嗇迫隘計較分毫之間而謀利之心始急矣葛屨汾沮洳園有桃三詩皆言急迫瑣碎之意

彼汾

扶云反

沮

子豫反

洳

如豫反

言采其莫

音慕

彼其

音記

之子美

無度美無度殊異乎公路

興也汾水名出太原晉陽山西南入河沮洳水浸處

下溼之地莫菜也似柳葉厚而長有毛刺可爲羹

孔氏

曰陸璣云莫莖大如箸赤節節一葉今人繅以取繭緒其味酢而滑始生又可生食無度言不

可以尺寸量也公路者掌公之路車晉以卿大夫之庶子爲之○此亦刺儉不中禮之詩言若此人者美則美矣然其儉嗇褊急之態殊不似貴人也

○彼汾一方言采其桑彼其之子美如英

叶於良反

美如英

殊異乎公行

戶郎反

興也一方彼一方也史記扁鵲視見垣一方人

安成劉氏

曰扁鵲姓秦名越人長桑君與之藥使以上池之水飲藥三十日視垣見一方人以此視病盡見五臟癥結所謂垣一方者猶此詩言汾一方古語皆然也癥音徵○索隱曰方猶邊也言能隔牆見彼人也英

華也公行即公路也以其主兵車之行列故謂之公

行也

孔氏曰公路公行一也宣公二年晉宦卿之適爲公族庶子爲公行

○彼汾一曲言采其蕢

音續

彼其之子美如玉美如玉殊

異乎公族

興也一曲謂水曲流處蕢水鳥

音昔

也葉如車前草

孔氏

曰蕢牛唇水鳥也如續斷寸寸有節拔之可復今澤瀉也

公族掌公之宗族晉以

卿大夫之適子爲之

孔氏曰成公十八年左傳曰晉荀會樂鰲韓無忌爲公族大夫

使訓子弟是公族主君之同姓也鰲音黯

汾沮洳三章章六句

園有桃其實之殽心之憂矣我歌且謠

音遙

不知我者謂

我士也驕彼人是哉

叶將黎反

子曰何其

音基

心之憂矣其誰

知之其誰知之蓋亦勿思

叶新齋反

興也殽食也合曲曰歌徒歌曰謠

孔氏曰謠既徒歌

則歌不徒矣歌謠

對文如此散則歌未必合樂也

其語辭○詩人憂其國小而無政故

作是詩言園有桃則其實之殺矣心有憂則我歌且

謠矣

程子曰此詩憂深思遠矣國無政事則亡故憂思之深至歌且謠

然不知我之

心者見其歌謠而反以爲驕且曰彼之所爲已是矣而子之言獨何爲哉蓋舉國之人莫覺其非而反以憂之者爲驕也於是憂者重嗟歎之以爲此之可憂初不難知彼之非我特未之思耳誠思之則將不暇非我而自憂矣

○園有棘其實之食心之憂矣聊以行國

叶于

逼反

不知我

者謂我士也罔極彼人是哉子曰何其心之憂矣其誰知之其誰知之蓋亦勿思

興也棘棗之短者

埤雅曰大者棗小者棘於文重東爲棗並束爲棘蓋棗性重喬棘則

低矣故其制字如此○本草注棘有赤白二種小棗也叢高三四尺花葉莖實俱似棗也聊且略

之辭歌謠之不足則出遊於國中而寫憂也極至也

罔極言其心縱恣無所至極

園有桃二章章十二句

疊山謝氏曰使忠臣義士之心略見知於人通國上

下不羣吠而衆惡之間其所憂者何說今之所當行者何事魏侯聞而大悔悟急爲扶顛持危

之謀者豈能驟滅其國哉國雖亡亦未必如是之速也嗚呼惜哉○慶源輔氏曰秦離之憂憂王室之已覆也固有桃之憂憂魏國之將亡也憂其已覆而不我知則亦已矣憂其將亡而不我知則欲其思之者亦宜也

陟彼岵

音戶

兮瞻望父兮父曰嗟予子行役夙夜無已上

慎旃哉猶來無止

賦也山無草木曰岵上猶尚也○孝子行役不忘其親故登山以望其父之所在因想像其父念已之言曰嗟乎我之子行役夙夜勤勞不得止息又祝之曰

庶幾慎之哉猶可以來歸無止於彼而不來也蓋生則必歸死則止而不來矣或曰止獲也言無爲人所獲也

○陟彼屺

起音

兮瞻望母

叶蒲彼反

兮母曰嗟予季行役夙夜

無寐上慎旃哉猶來無棄

賦也山有草木曰屺

孔氏曰爾雅釋山云多草木岵無草木屺與傳正反當是傳寫

誤也季少子也尤憐愛少子者婦人之情也無寐亦言

其勞之甚也棄謂死而棄其尸也

○陟彼岡兮瞻望兄

叶舉 王反 虛

兮兄曰嗟子弟行役夙夜必

偕

叶舉 里反

上慎旃哉猶來無死

叶想 止反

賦也山脊曰岡

永嘉陳氏曰岵也岵也岡也皆山之

以韻 叶耳

必偕言與其儕同作同止不得自如也

陟岵三章章六句

慶源輔氏曰既思其父又思其母又思其兄既想像其念已之

言又想像其祝已之言曰庶幾其謹之哉則斯人也必能以其親之心爲心亦可謂賢矣○安成劉氏曰詩人以已之思親而知親之念已雖曰設爲親念已之言實以深寓已念親之心也章末二語所以自警亦所以自悲可以見其忠孝之心也

十畝之間

叶居賢反

兮桑者閑閑

叶胡田反

兮行與子還

叶音旋

兮

賦也十畝之間郊外所受場圃之地也

張子曰周制國郭之外有

聽爲場圃之地者疑家受十畝以毓草木○東萊呂氏曰所謂十畝者特甚言之耳未可以爲定數也

閑閑往來者自得之貌行猶將也還猶歸也○政亂

國危賢者不樂仕於其朝而思與其友歸於農圃故

其詞如此

慶源輔氏曰危邦不入亂邦不居君子仕止之常法也使賢者不樂仕於其朝則其

政亂國危可知矣夫以場圃之採桑者爲自得而思與其友歸焉則其不樂仕之意可見矣

○十畝之外

叶五陞反

兮桑者泄泄

叶世反

兮行與子逝兮

賦也十畝之外鄰圃也泄泄猶閑閑也逝往也

十畝之間二章章三句

坎坎伐檀

叶徒沿反

兮寘之河之干

叶居焉反

兮河水清且漣

力屨

反

猗

於宜反

不稼不穡胡取禾三百廛

直連反

兮不狩不獵

胡瞻爾庭有縣

音玄

貆

音暄

兮彼君子兮不素餐

七丹反

叶七宣反

兮

賦也坎坎用力之聲檀木可爲車者寘與置同干厓也漣風行水成文也猗與兮同語詞也書斷斷猗大

學作兮莊子亦云而我猶爲人猗是也種之曰稼斂

之曰穡

孔氏曰以稼穡相對皆先稼後穡故知種曰稼斂曰穡若散則相通

胡何也一

夫所居曰廛

孔氏曰廛民居之區域也

狩亦獵也貍貉類

鄭氏曰貉子曰

貍

素空餐食也○詩人言有人於此用力伐檀將以

爲車而行陸也今乃寘之河干則河水清漣而無所用雖欲自食其力而不可得矣然其志則自以爲不耕則不可以得禾不獵則不可以得獸是以甘心窮餓而不悔也詩人述其事而歎之以爲是真能不空

食者

慶源輔氏曰不稼不穡則不可以得粒食不狩

者爲大故舉而言之所謂甘心窮餓而不悔者詩中

雖無此意然觀其志之所有如此而詩人又以爲真

能不素餐者

當有此事矣後世若徐穉之流非其力不食其厲志

蓋如此安成劉氏曰後漢徐孺子家貧常自耕稼非
亦若此詩賢者之志也又如范文正公居官每計一
日飲食奉養之費與所爲之事相稱則無復愧恥苟
或不然終夜不能安寢亦可謂能厲其志者矣○廬
陵曹氏曰伐檀而寘之河之干此勞於事而不得以
食其力者也然賢者之心豈以是一事之不遂而自
沮乎其志蓋以爲不耕則不可以得禾不獵則不可
以食獸是以寧勞於事雖窮餓而不悔故詩人述其
事而歎之以爲是真能不空食者矣天下之事固有

爲其事而無其功者然未有不爲其事而能有其功者矣君子之心寧勞而無功必不肯無功而食人之食此先難後獲之意也

○坎坎伐輻

音福叶筆力反

兮寘之河之側

叶莊力反

兮河水清且

直猗不稼不穡胡取禾三百億兮不狩不獵胡瞻爾庭有縣特兮彼君子兮不素食兮

賦也輻車輻也伐木以爲輻也直波文之直也十萬

曰億蓋言禾秉之數也

孔氏曰田方百里於今數爲九百萬畝而王制云方百里

爲田九十億畝是億爲十萬也禾秉之數謂刈禾之把數獸三歲曰特

○坎坎伐輪兮寘之河之湄

順倫反

兮河水清且淪猗不

稼不穡胡取禾三百困

丘倫反

兮不狩不獵胡瞻爾庭有

縣鶉

音純

兮彼君子兮不素飡

素門反

素倫反

兮

賦也輪車輪也伐木以爲輪也淪小風水成文轉如輪也困圓倉也鶉鶉屬熟食曰飡

伐檀三章章九句

孔叢子子曰於伐檀見賢者之先事後食也○安成劉氏曰有

勞心而得食者有勞力而得食者有躬耕而自食者豈必人人自耕以食哉但不可無其事而食其食耳伐檀君子意正如此故詩人美其甘貧樂賤雖不見用而不苟食也

碩鼠碩鼠無食我黍三歲貫

古亂反

女

音汝莫我肯顧

叶果五反

逝將去女適彼樂

音洛下同

土樂土樂土爰得我所

比也碩大也三歲言其久也貫習顧念逝往也樂土

有道之國也爰於也○民困於貪殘之政故託言大

鼠害已而去之也

慶源輔氏曰三歲貫女則民之於上至矣莫我肯顧則上之於民甚

矣於是而決去焉非民之罪也

○碩鼠碩鼠無食我麥

叶訖反

三歲貫女莫我肯德逝將

去女適彼樂國

叶于反

樂國樂國爰得我直

比也德歸恩也

華陽范氏曰莫我肯德者不以我爲德也民出力以事上不以爲德而反

蠶食之所
以去之也直猶宜也

○碩鼠碩鼠無食我苗

叶音毛

三歲貫女莫我肯勞逝將

去女適彼樂郊

叶音高

樂郊樂郊誰之永號

戶毛反

比也

疊山謝氏曰食黍不足而食麥食麥不足而食苗者禾方樹而未秀也食至於此以比其貪

之甚也

勞勤苦也謂不以我爲勤勞也永號長呼也言

既往樂郊則無復有害已者當復爲誰而永號乎

碩鼠三章章八句

南軒張氏曰碩鼠之詩聖人所爲取者以其上失道如此國人

疾之甚而欲去之猶有所未忍也故著其情於詩著其情於詩乃其所未忍絕也

魏國七篇十八章一百二十八句

華谷嚴氏曰魏唐無淫詩

蓋猶有先聖之風化焉○慶源輔氏曰寬裕者其流長急迫者其意短魏以地隘而褊急如此其何以傳世至於長久哉故變風作於平桓之世而國遂滅於惠公之十七年止五六十年間耳詩人之意固憂之矣

詩傳大全卷五